



Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine FBiH“, broj 12/03, 34/03, 65/13), Zaključka Općinske načelnice o utvrđivanju i oglašavanju pozicije člana nadzornog odbora JKP „Visoko“ doo Visoko, broj: 01/2-02-139/15 od 17.02.2015. godine i Zaključka Općinske načelnice o standardima i kriterijima za imenovanje člana nadzornog odbora JKP „Visoko“ doo Visoko, broj: 01/2-02-140/15 od 17.02.2015. godine, Općinska načelnica Visoko objavljuje

**JAVNI OGLAS
za imenovanje člana nadzornog odbora
JKP „Visoko“ doo Visoko**

I

Objavljuje se oglas za nominiranje kandidata za upražnjenu poziciju člana nadzornog odbora JKP „Visoko“ doo Visoko, kako slijedi:

1. Nadzorni odbor JKP „Visoko“ doo Visoko 1 član

a) Opis pozicije člana Nadzornog odbora: Nadzire poslovanje i rad uprave javnog preduzeća, a naročito prilikom donošenja odluka kojim se utiče na vrijednost kapitala preduzeća, raspolaže imovinom i kapitalom preduzeća ili utvrđuje strategiju razvoja preduzeća, razmatra i usvaja izvještaje o poslovanju sa bilansima stanja i uspjeha i revizijske izvještaje, predlaže raspodjelu i način upotrebe dobiti i način pokrića gubitka, obavlja i druge poslove u skladu sa Zakonom o javnim preduzećima u Federaciji Bosne i Hercegovine („Službene novine FBiH“, broj: 8/05, 81/08 i 22/09), Zakonom o privrednim društvima („Službene novine FBiH“, broj: 23/99, 45/00, 2/02, 6/02, 29/03, 68/05, 91/07, 84/08, 88/08, 7/09, 63/10 i 75/13) i drugim zakonima i propisima.

Mandat člana nadzornog odbora je 4 godine, odnosno do isteka mandata članova Nadzornog odbora imenovanih 07.10.2013. godine.

Naknada za rad člana nadzornog odbora utvrđena je općim aktima preduzeća i ista se isplaćuje iz sredstava preduzeća.

Prilikom procjene kvalifikacija i iskustva svih kandidata, pored općih i posebnih uslova. uzet će se u obzir i slijedeći kriteriji:

- sposobnost za savjesno, odlučno i odgovorno obavljanje upražnjene pozicije,
- sposobnost nepristrasnog donošenja odluka,
- komunikacijske i organizacijske sposobnosti,
- sposobnost upravljanja finansijskim i ljudskim resursima i naklonjenost timskom radu,
- rezultati rada ostvareni tokom karijere.

II

A) Kandidati za imenovanja moraju ispunjavati slijedeće opće uslove:

1. da je državljanin Bosne i Hercegovine,
2. da je stariji od 18 godina,
3. da nije otpušten iz državne službe kao rezultat disciplinske mjere (bilo na nivou države ili entiteta) u periodu od tri godine prije dana objavljivanja upražnjene pozicije,
4. da nije pod optužnicom Međunarodnog suda za ratne zločine u bivšoj Jugoslaviji (član IX.1. Ustava Bosne i Hercegovine),
5. da nije član organa zakonodavne, izvršne ili sudske vlasti ili savjetnik u smislu Zakona o sukobu interesa u organima vlasti u Federaciji BiH („Službeni glasnik BiH“, broj 70/08),

6. da nije osoba koja je osuđivana za krivično djelo i za privredni prestup nespojiv s dužnošću u nadzornom odboru pet godina od dana pravosnažnosti presude, isključujući vrijeme zatvorske kazne,
7. da nije osoba kojoj je presudom suda zabranjeno obavljanje aktivnosti u nadležnosti nadzornog odbora,
8. da nije osoba starija od 65 godina na dan imenovanja.

B) Kandidati za imenovanja moraju ispunjavati slijedeće posebne uslove:

1. da imaju završen VSS/VII stepen stručne spreme ili VŠS/VI stepen stručne spreme ili II ciklus bolonjskog sistema studiranja ili I ciklus bolonjskog sistema studiranja,
2. da imaju najmanje 5 godina radnog iskustva na poslovima svog stručnog naziva,
3. da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima FBiH („Službene novine Federacije BiH“, broj 12/03, 34/03 i 65/13),
4. da nije na poziciji direktora ili člana uprave javnog preduzeća u okviru kojeg se kandiduje,
5. da nije predsjednik ili član nadzornog ili upravnog odbora drugog društva ili institucije,
6. da nema privatni finansijski interes u nadzornom odboru javnog preduzeća za koji se kandiduje.

III

Prijava treba da sadrži kraću biografiju, adresu stana i kontakt telefon kandidata.

Uz prijavu, kandidati su dužni priložiti original ili ovjerenu kopiju slijedećih dokumenata:

1. izvod iz matične knjige rođenih (ne stariji od 6 mjeseci),
2. uvjerenje o državljanstvu (ne starije od 6 mjeseci),
3. dokaz o stručnoj spremi,
4. dokaz o potrebnom radnom iskustvu,
5. ovjerenu izjavu kandidata na okolnosti iz tačke – Opći uslovi pod 3, 4, 5, 6, 7. i 8. i tačke – Posebni uslovi 3, 4, 5. i 6.

IV

Podnosioci prijava sa kojima se ne stupi u kontakt u roku deset dana od isteka roka za podnošenje prijava neće biti uzeti u razmatranje u daljem procesu kandidovanja.

Svi kandidati koji budu stavljeni na listu sa užim izborom bit će pozvani na intervju. Prije intervjua kandidati su dužni dati podatke o ranijim neposrednim rukovodiocima od kojih se mogu dobiti preporuke i informacije o kandidatima i popuniti obrazac u kojem će iznijeti bilo koje pitanje koje bi moglo dovesti do sukoba interesa u slučaju da dođe do njegovog imenovanja.

Sve informacije u toku postupka kandidovanja su transparentne, osim ako informacije o podnosiocima prijava nisu povjerljive u smislu Zakona o zaštiti ličnih podataka („Službeni glasnik BiH“, broj: 49/06 i 76/11).

Komisija za izbor je dužna nakon izvršenog intervjua sa prijavljenim kandidatima, putem pismene preporuke, predložiti rang listu sa najboljim kandidatima Općinskoj načelnici na postupak u skladu sa članom 12. Zakona o ministarskim, vladinim i drugim imenovanjima FBiH, a konačno imenovanje članova nadzornog odbora, nakon potvrde Općinskog vijeća Visoko, izvršit će skupština javnog preduzeća.

Bilo koji kandidat ili bilo koje drugo lice-član javnosti, slobodno je podnijeti prigovor na konačno imenovanje, ako vjeruje da u procesu imenovanja nisu ispoštovani principi utvrđeni Zakonom o vladinim, ministarskim i drugim imenovanjima FBiH. Prigovor se podnosi Općinskoj načelnici Visoko i Ombudsmanu FBiH.

Konačna imenovanja na upražnjene pozicije javno će se objaviti.

V

Oglas će se objaviti u „Službenim novinama FBiH“, dnevnim novinama Oslobođenje i na službenoj stranici općine Visoko – www.visoko.gov.ba.

Rok za podnošenje prijava je 15 dana računajući prema datumu objave oglasa u glasilu koje kasnije objavi ovaj oglas.

Prijave sa potrebnom dokumentacijom treba dostaviti lično ili preporučenom poštom sa naznakom „PRIJAVA NA OGLAS ZA NADZORNI ODBOR JAVNOG PREDUZEĆA JKP „Visoko“ doo Visoko – NE OTVARATI“

Služba za poslove Općinskog načelnika

Komisija za izbor nadzornog odbora JKP „Visoko“ doo Visoko

Ulica Alije Izetbegovića 12A 71300 Visoko.

Neblagovremene i nepotpune prijave neće se uzimati u razmatranje.

Broj: 01/2-02-149/15
17.02.2015. godine
V i s o k o

OPĆINSKA NAČELNICA VISOKO
Amra Babić